



Ujaqqanik pinnerasaasionermik ingerlatsisut misilittagaannik ilanngussisumik nassuiaammik, inuussutissarsionermik ingerlatsereersut akornanni, aallartisisussani kiisalu annikitsumik aatsitassarsionermik akuersissutinik piginnittut nalilinnik annertunerusumik kaaviiartitsinissamut sulisuminnillu amerlisaanissamut aqqjissuussaannikkut aammalu inatsisitigut aporfissat suunerannik kingusinnerpaamik UKA2019-imi Naalakkersuisut saqqummiussinissaat pillugu Inatsisartunut aalajangiiffigisassatut siunnersuut. Aporfittut suussusersineqartut qanoq ililluni piujunnaartinnissaannut sapinngisamilluunniit aporfiit annikinnerpaamiitinnissaannut siunnersuummik nassuiaat imaqassaaq. (Inatsisartunut ilaasorta q Aqqaluaq B. Egede, Inuit Ataqtigiit) (Siullermeerneqarnera)

2017-mi nalunaarut "Kalaallit Nunaanni ujaqqat pinnerasaatit ujaqqallu qiperukkat pillugit uppernarsaammik allagartaliisarneq pillugu nassuiaat" saqqummersinneqarpoq. Aamma 2016-mi ujaqqat pinnerasaatit pillugit isumasioqatigiisitsisoqarpoq. Maannakkulli Inatsisartunut Ilaasortap Aqqaluaq B. Egede siunnersuuteqarpoq, atorfilittat nutaat ataaseq marlulluunniit atorlugit ujaqqanik pinnerasaasiortarneq pillugu nassuiaasiortissagigut taamaasillutalu pisortat aningaasartuutaat qaffaqqillugit.

Tupaallaataagunangilaq erseqqissarusupparali, Demokraatiniit isumaqaratta nassuiaasiortnerpassuarnut aningaasat amerlavallaarujussuartut atorneqartartut. Nassuiaasiortoqarnissaa pisariaqarpat soorunami nassuiaasiortoqassaaq, kisianni suna tamaat nassuiaasiorsinnaangilarput.

Aallartisisimagaanni imaluunniit aallarnisaasimangaanni taava uagut isumarput naapertorlugu nassuiaasiortitsinissaq pisariaqartinneqarneq ajorpoq, pisariaqartinneqartarporli nalilersuinissaq, tassani suliat nalilersorsinnaajumallugit tamannalu aqqutigalugu saqqummiullugit suliniutissanut nutaanut isumassarsiat aamma pitsanngorsaataasinnaasut.

Demokraatini isumaqarpugut pinnerasaasiortarnerup aallartinnissaa pisariaqartoq, kisianni tamanna angunaviangilarput nassuiaasiornikkut. Aatsaat tamanna angusinnaavarput pinnerasaasiortarnerup patajaatsunik, paasiuminartunik ersarissunillu sinaakkutissanik aalajangersagaliortifigineratigut soorlu sullivinni allani taamaattartoq.

Tamanna tunngavigalugu Demokraatini inassutigaarput siunnersuut itigartinneqassasoq.